

## Wat versteet een ënnert Selbstevaluatioun?



Selbstevaluatioun um Niveau vun der Gestionsaarbecht ass ee wichtege Deel vum Qualitéitsmanagement an enger Jugendstruktur.


Selbstevaluatioun ass eng systematesch Sammlung an Analys vun Informatiounen, an déngt dozou, Handlungen ze reflektéieren an doduerch d'Kompetenze vu Gestionnairen an dem Personal ze verbesseren.

Ee wichtegt Instrument am Kader vun der allgemenger Gestionsaarbecht ass de „**Leitfaden zur Selbstevaluation für die Träger der Jugendhäuser**“, deen dir am VADEMECUM vun der EGMJ fannt, an ënnert folgendem Link erofluede kënnt:  
<http://www.egmj.lu/lb/vademecum/>

Selbstevaluatioun ass een idealen Uutil fir d'Aarbecht an der Jugendstruktur kontinuierlech a praxisno ze iwwerpréiwen, an dréit zu enger Optimiséierung vun der Qualitéit vum fachlechen Handele bäi.



## D'Avantage vun dësem Instrument:



- Erkennen an dokumentéiere wat d'Aarbecht bewierkt
- Erausforderungen, Stärken a Schwächen identifizéieren, a sou zu engem Ëmdenke bäidroen
- Handlungssécherheet gewannen
- Iwwer- an Ënnerforderungen vum Personal am Virfeld visibel maachen
- Sech den ënnerschiddlech Aufgabefelder bewusst ginn
- Konsens a Konditiounen fannen am Hëlleck op d'Zefriddenheet vun all de Bedeelegten, als wichtege Faktor fir d'Motivatioun an d'Kontinuitéit an der Jugendstruktur

## Gewosst wéi:



Den éischten Deel vum Leitfaden soll idealerweis am **Dialog** tëscht Gestionnaire an dem Personal ausgefëllt ginn. Fir den zweeten Deel steet ech lech fräi, ob dir d'Personal beim Beäntweren abannt.



**Respektéiert** d'Reegele vun enger konstruktiver Gesprächsféierung: net wäertend sinn, op de Punkt kommen, adequat a brauchbar Verännerungsméiglechkeeten opweisen.



Huelt lech zesumme mat Ärem Personal fir d'Ausfëlle vum Leitfaden am beschten eng Stonn **Zäit**, a widderhuelt d'Selbstevaluatioun idealerweis eemol am Joer.

